



Uunga siunnersuut: Naalakkersuisut pisortat pisiortorneranni inatsisitigut, teknikkikkut aammalu niuerpalaarneq eqqarsaatigalugu neqoroortitsinermi atorneqartartussamik inatsisisstatut siunnersuummik saqqummiussinissamut pisussaaffilerneqarnissaannik Inatsisartut aalajangiussassaattut siunnersuut. Inatsisisstatut siunnersuutip qulakkiissavaa pisiffigisat assigiimmik pineqarnissaat, neqorooruteqartitsinermi pisiffissat toqqarneqarneranni sinaakkutissat ersarissuunissaat aammalu neqorooruteqartillugu maalaaruteqarfiusinnaasumik pilersitsisoqarnissaa. Inatsisisstatut siunnersuummi aamma pisiffissat toqqarneqarneranni inuiaqtigijit aningaasaqarnerat tamakkiinerusumik qanoq isiginiarneqartassanersut pillugit maleruagassiortoqarnissaa ilaatinneqassaaq.

(Inatsisartunut Ilaasortaq Naja H. Nathanielsen, Inuit Ataqatigiit)

Siullermeerneqarnera

Aningaasanik Naalakkersuinikkut akisussaassusilimmik aqtsilluarneq, sualummi ukiuni makkunani aningaasameeruttulerfitsinni pingaaruteqartupilussuuvoq, aammalu una Naaja H. Nathanielsen-ip siunnersuutaa taamatut naapertuuttumik siunertaqarpoq. Taassuma saniatigut massakkut ersarinnerusumik aqtsinissaq annertusiartornikuuvoq qaavatigullu aamma oqajamaanut tunngasunik inatsisartut aalajangersaanikuullutik.

Tamannalu imatut Partii Naleqqamiit oqaaseqarfigissavarput: Ukiordanngulersuni pisortata aningaasataata atorneqarnerata nakkutigineqarnerat sukateruarneqarnikuuvoq, tassunga ilanngullugu Kukkunersiuinermi Ataatsimiititaliap sulinerminut tunngavii annertusarneqarnikuupput ataasiaratillu ilaatigut qinersinermik kinguneqartumik Naalakkersuisunik peersitsisoqartarnikuulluni.

Massakkut uunga siunnersuummut assigusinnaasumik kaajallaatitarpoq Naalakkersuinikkut malinneqartussamik. Tunngaviusumillu imaattariaqarpoq Naalakkersuisut inatsisaappat kaajallaatitaappalluunniit tamanna malittariaqaraat. Soorunami suna tamaat sukaterneqarsinnaavoq,

aammali illuatungaatigut tatigeqatigiinneq annerulaartoq tunngavigalugu nuna
ingerlanneqarsinnaalluni, tassami aamma malinnaasut arlaqarput aamma Inatsisartut
Ataatsimiititaliaat tessani pineqarlutik.

Aammali pisortat aqtsinerata saniatigut pisortat piginneqatigiiffinni pigisaani
kammalaetersorermik tunngaveqarluni suliarinnittussarsiuussisarnernik naammagittaalliutinik suli
tunineqartuarpuget, tamakku “kammalaetersorermik” tunngaveqarluni suliakkiisarnerit
sukumiisumik misissuiffigineqartariaqarnerat uuma siunnersuutip oqaluuserineqarnera iluatsillugu
Naalakkersuisunut piumasarissavarput pissutsit tamakku aaqqeqqullugit.

Taakku saniatigut inatsisinik sakkortusaanissat ilagilliunnartariaqarpaat suliffeqarfiiit iluminni
akinik isumaqtigereerlutik neqoroorusiortarnermi pineqaatissiissutaasartut
tissinaannartumilluunniit sakkukinnerujussuat, tamakku tuaviornerpaamik aaqqittariaqarput.

Siunnersuut annertunerusumik eqqartorneqarsinnaalluarpoq, taamaattumik taama oqaaseqarluta una
siunnersuut aappassaaneerneqannginnermini ataatsimiititaliamut sukumiisumik
nalilorsorneqarnissa Partii Naleqqamiit innersuussutigissavarput.